




ԱՅԼԱԿԵՐՊՈՒԹԵԱՆ ՏՕՆԸ



Կիրակի 23 Յուլիսին ամբողջ աշխարհի մէջ հայերը տօնեցին Տիրոջ Այլակերպութեան տօնը: Այստեղ՝ Ֆրանսայի մէջ, մեր բոլոր գործօն ծուխերուն մէջ պատարագ մատուցուեցաւ եւ աւանդական անդաստան կատարուեցաւ մեր եկեղեցիներուն մէջ: Փարիզի Ս. Յովհաննէս Մկրտիչ Մայր եկեղեցւոյ մէջ պատարագեց թեմակալ առաջնորդ Գերշ. Տ. Վահան Եպս. Յովհաննէսեան, օգնական ունենալով Մայր եկեղեցւոյ հոգեւոր տեսուչ Տ. Յուսիկ Քինյ. Սարգսեանը: Օրուան արարողութիւնները սկսան գիշերային եւ առաւօտեան ժամերգութեամբ, որոնց աւարտին կատարուեցաւ աւանդական անդաստան: Ս. Պատարագի աւարտին Սրբազան Հայրը իր քարոզին մէջ շեշտեց այս տօնին կարեւորութիւնը մեր այսօրուան կեանքին մէջ, ընդգծելով որ այս տօնը մեզ կը հրաւիրէ, որպէս Քրիստոսի հետեւորդները եւ որպէս քրիստոնէաներ, այլակերպուելու մեր այսօրուան առօրեայ կեանքին մէջ եւ այս աշխարհի մոլորեցնող ճամբաները չընտրել որպէս մեր կեանքի ապրելակերպ: Սրբազան Հօր քարոզը կարդալու համար [Ֆրանսերէնով սեղմել այստեղ](#), [հայերէն այստեղ](#): Պատարագի աւարտին Տիկնանց Յանձնախումբին կողմէ տեղի ունեցաւ հիւրասիրութիւն եկեղեցւոյ բակին մէջ:

ԵՐԿՈՒ ՍԱՐԿԱՒԱԳՆԵՐ Ս. ԷԶՄԻԱԾՆԷՆ



Կիրակի 23 Յուլիսին Ս. Էջմիածնէն Փարիզ ժամանեցին երկու սարկաւագներ եւ արդէն իսկ լծուեցան իրենց փորձառական աշխատանքին, Առաջնորդարանի գրասենեակներուն մէջ: Շուարշ եւ Նարեկ սարկաւագները նշանակուած էին Գեորգեան Հոգեւոր Ճեմարանի տեսուչ Հոգշ. Տ. Գարեգին Վրդ. Համբարձումեանի կողմէ եւ հրաւիրուած էին Գերշ. Տ. Վահան Եպս. Յովհաննէսեանի կողմէ իրենց փորձառական աշխատանքային շրջանը անցընելու Ֆրանսայի թեմէն ներս: Երկու սարկաւագները պիտի օգնեն Փարիզի թեմական գրասենեակին եւ պիտի բնակին Իսի Լէ Մուլինոյի Ս. Մարիամ Աստուածածին եկեղեցւոյ հովուատան մէջ: Անոնք պիտի այցելեն նաեւ Մարսելի մեր ծուխերը ու հաւանաբար նաեւ այլ ծուխեր Ֆրանսայի թեմէն ներս, ըստ հոգեւոր հովիւներու եւ ծխական խորհուրդներու սպասումներուն: Սարկաւագները պիտի մասնակցին նաեւ թեմի զանազան դաստիարակչական ծրագիրներուն, ինչպէս՝ Ս. Գիրքի սերտողութիւն, երիտասարդաց հանդիպումներ: **Ուրբաթ 4 Օգոստոսի ժամը 20-ին անոնք** Ս. Յովհաննէս Մկրտիչ Մայր եկեղեցւոյ «Նորիան Ֆրէնկեան» սրահին մէջ պիտի դասախօսեն Մայր Աթոռ Ս. Էջմիածնի Գեորգեան Ճեմարանի մասին: Բարի գալուստ եւ յաջողութիւն կը մաղթենք երկու սարկաւագներուն իրենց փորձառական շրջանին համար:

Ս. ԱՍՏՈՒԱԾԱԾՆԱՅ ՎԵՐԱՓՈԽՄԱՆ ՏՕՆԸ ԵՒ ԽԱՂՈՂԻ ՕՐՀՆՈՒԹԻՒՆ




Երկուշաբթի 7 Օգոստոսին կը սկսի Ս. Մարիամ Աստուածածնի Վերափոխման տօնի նախապատրաստութեան պահքի շրջանը: Հայ Եկեղեցին Աստուածածնայ Վերափոխումը կը տօնի Օգոստոս 15-ի ամենամօտիկ Կիրակին: Հայ Եկեղեցւոյ կանոններուն համաձայն պահք կը նշանակէ հեռու մնալ կենդանական ծագումով սննդեղէնէ, ինչպէս՝ միս, հաւկիթ, պանիր, կաթ եւայլն, եւ աւելի ժամանակ տրամադրել Աստուածաշունչ կարդալու եւ աղօթելու: Ըստ եկեղեցւոյ աւանդութեան, երբ Ս. Կոյս Մարիամ ննջեց, մեր Տէր Յիսուս Քրիստոս եկաւ եւ իր մարմինը երկինք փոխադրեց: Այս պատճառով այս տօնը կը կոչուի Վերափոխումն Ս. Աստուածածնի, որ այս տարի պիտի տօնուի Կիրակի 13 Օգոստոսին: Աւանդականօրէն այդ օրը հայերը խաղող կը բերեն եկեղեցի, որպէս տարուան առաջին բերք, որպէսզի պատարագի աւարտին օրհնուի եւ բաշխուի ժողովուրդին: Եթէ կը փափաքիք խաղող նուիրել կամ փոխան խաղողի նուիրատուութիւն ընել, հաճեցէք կապ հաստատել ձեր ծուխի գրասենեակին հետ:

ՀԱՅ ԵԿԵՂԵՑԻՈՑ ՓԱՐԻԶԻ ԵՐԻՏԱՍԱՐԴԱՅ ՄԻՈՒԹԵԱՆ ՆՈՐ ԾՐԱԳԻՐԸ



Փարիզի Ս. Յովհաննէս Մկրտիչ Մայր եկեղեցւոյ Երիտասարդաց Միութեան նոր ծրագիրներէն մէկն է կարճ վիտեօներու պատրաստութիւնը, «Տէր եթ զըրթունս իմ բանաս» անուանումով, Սաղմոսներէն առնուած հատուածներու ներկայացումով, օրհնութեամբ թեմակալ առաջնորդ Գերշ. Տ. Վահան Եպս. Յովհաննէսեանի: Ասիկա նոր ծրագիր մըն է, հսկողութեամբ Մայր եկեղեցւոյ հոգեւոր տեսուչ Արժ. Տ. Յուսիկ Քինյ. Սարգսեանի: Ծրագրի նպատակն է երիտասարդներուն ներկայացնել Աստուածաշունչէն կարեւոր հատուածներ, օգտագործելով հաղորդակցութեան եւ համակարգչային արդիական միջոցները: Ծրագիրը ուղղուած է մասնաւորաբար ֆրանսախօս հայ հանրութեան: Առաջին տեսանիւթը հրապարակուած է, որ կը ներկայացնէ Ա. Կորնթացի 13:4-8 հատուածը: Զայն կրնաք դիտել՝ <https://www.youtube.com/watch?v=-GN58V-qhnc> : Կը շնորհաւորենք Տէր Յուսիկը եւ Փարիզի Ս. Յովհաննէս Մկրտիչ Մայր եկեղեցւոյ երիտասարդաց միութիւնը այս շատ կարեւոր ծրագրի իրագործման համար: Աստուած ձեզ օրհնէ:

«ԴԷՊԻ ՀԱՅՐԵՆԻՔ, ԴԷՊԻ ՍՈՒՐԲ ԷԶՄԻԱԾՆԷՆ»



2016 թուականի Նոյեմբերին գումարուած Գերագոյն Հոգեւոր Խորհուրդի ժողովին Վեհափառ Հայրապետը 2018 թուականը հռչակեց Երիտասարդական Տարի: Այս առիթով զանազան ծրագիրներ պիտի պատրաստուին իւրաքանչիւր թեմի մակարդակով, ինչպէս նաեւ Մայր Աթոռ Սուրբ Էջմիածնի մէջ: Հիմնական ծրագիրը պիտի ըլլայ Յուլիս 2018-ի համընդհանուր Հայ Եկեղեցւոյ երիտասարդական ուխտագնացութիւնը Մայր Աթոռ Սուրբ Էջմիածին: «Դէպի Հայրենիք, դէպի Սուրբ Էջմիածին» խորագիրը կրող այս ուխտագնացութիւնը մեր երիտասարդութիւնը միաւորող պատգամն է մեր երիտասարդութեան հոգեւոր Խութեան մէջ ամրագրել մեր հաւատքի եւ հայրենիքի սրբութեան եւ զաղաքարական խորհուրդը: Տարուայ ընթացքին համապատասխան երիտասարդական աղօթահաւաքներ կազմակերպել աշխարհագրական տարազներու մէջ՝ Յունուար-Ապրիլ ամիսներու ընթացքին: Մեր թեմէն ներս աջակցելու համար այս կարեւոր ծրագիրներուն հետ՝ Սրբազան Հայրը թեմիս յաջորդ Հայ Եկեղեցասէր Միութեան Կեդրոնական Վարչութեան ժողովին հատուկ յանձնախումբ մը պիտի նշանակէ գործակցելու եւ հետապնդելու համար 2018 թուականի հռչակեց Երիտասարդական Տարիի ծրագիրներն ու նպատակները: jeunessediocesaine@gmail.com.

ԱՌԱՋՆՈՐԴ ՍՐԲԱԶԱՆԸ ՄԱՍՆԱԿՅԵՅԱՒ ԿԻՒՂԷՆԿԵԱՆԻ ՏԱՐԵԴԱՐԶԻ ԶԵՆՆԱՐԿՆԵՐՈՒՆ



Հինգշաբթի 20 Յուլիսին Կիւպէնկեան Հիմնարկը, որ հաստատուած է հայ մեծանուն բարերար Գալուստ Կիւպէնկեանի կողմէ, տօնեց իր հիմնադիրին տարեդարձը ամբողջ օրուան մը վրայ երկարող ձեռնարկներով: Ֆրանսայի Թեմի Առաջնորդ եւ Արեւմտեան Եւրոպայի Հայրապետական Պատուիրակ Գերշ. Տ. Վահան Եպս. Յովհաննէսեան Կիւպէնկեան Հիմնարկի հիւրն էր: Առաջնորդ Սրբազանը առաջին հերթին նախաձաշի շուրջ հանդիպում մը ունեցաւ Կիւպէնկեան Հիմնարկի նախագահ Տիկ. Իզապէլ Մոթայի հետ, քննարկելով Հայ Եկեղեցւոյ եւ Կիւպէնկեան Հիմնարկի միջեւ համագործակցութեան կարելիութիւնները եւ մեծ բարերարի ծննդեան 150-ամեակի տօնակատարութիւնները: Նախաձաշին ներկայ էր նաեւ Կիւպէնկեան Հիմնարկի Հայկական Բաժանմունքի տնօրէն Դոկտ. Ռազմիկ Փանոսեան: Օրուան ընթացքին Սրբազան Հայրը Հիմնարկի նախագահին եւ Տնօրէններու Խորհուրդի անդամներուն հետ մասնակցեցաւ Հիմնարկի գեղեցիկ պարտէզին մէջ գտնուող Գալուստ Կիւպէնկեանի յուշարձանին ծաղկեպսակի զետեղման արարողութեան: Ապա Վահան Սրբազան Մայր Տաճարին մէջ նախագահեց յատուկ հոգեհանգստեան արարութեան, ուր ան խօսք առնելով ընդգծեց բարերարի կատարած բարի գործերը: Երեկոյեան տեղի ունեցաւ երաժշտական երեկոյ մը, կատարողութեամբ Կիւպէնկեան Հիմնարկի նուագախումբին, որու ընթացքին մրցանակներ բաշխուեցան զանազան անձերու որոնք աշխարհի տարածքին արդարութեան եւ ազատութեան համար պայքարած են: Այս համերգին եւ մրցանակաբաշխութեան ներկայ էր նաեւ Փորթուկալի հանրապետութեան նախագահ Ն.Վ. Պրն. Մարսելօ Ռեպելօ տէ Սուսա

ԿԱՐՃ ՅԱՅՏԱՐԱՐՈՒԹԻՒՆՆԵՐ...

- Թեմակալ Առաջնորդ Գերշ. Տ. Վահան Եպս. Յովհաննէսեան՝ Սուրբ Աստուածածնի Վերափոխման տօնի առթիւ, Կիրակի 13 Օկոստոս պիտի պատարագէ Ս. Յովհաննէս Մկրտիչ Մայր եկեղեցւոյ մէջ: Պատարագը կը սկսի ժամը 10:00-ին, ժամերգութիւններէն ետք: ^[1]
- Սուրբ Գիրքի սերտողութեան խումբը յաջորդ նիստի տեղի պիտի ունենայ այս հինգշաբթի Ֆրիսկեան սրահին մէջ ժամը 16:30-ին : ^[1]
- ՃԱՄԲՈՐԴՈՒԹԻՒՆ-ՈՒԽՏԱԳՆԱՅՈՒԹԻՒՆ ԴԷՊԻ ԻՐԱՆ 28 ԱՊՐԻԼ-11 ՄԱՅԻՍ 2018 ՝ Ամբողջական ճամբորդութիւն-ուխտագնացութիւն մը ամբողջ Իրանի տարածքին, ուր նախատեսուած են այցելութիւններ ընդհանուր հետաքրքրութիւն ներկայացնող բոլոր գլխաւոր յուշարձանները, հայկական եւ ոչ հայկական: Սակ 2890 € երկու հոգինոց սենեակի համար, ներառեալ ճամբորդութիւն, այցելութիւններ եւ ճաշ: Անհատական սենեակի համար՝ յաւելեալ 890 € : Ուշադրութիւն՝ տեղերը սահմանափակ են: Հեռ.՝ 06 15 02 76 84 :